

## Universitätsbibliothek Paderborn

**Thesis Historico-Logico-Theologica Pertinens Ad Theses  
in Collegio Adriani Papae VI. propugnatas 22. Octob.  
1682. 14. Jan. & 5. Februarii 1683.**

**Huygens, Gommarus**

**Lovanii, [1683?]**

Text

**urn:nbn:de:hbz:466:1-40634**

# THESES.



Unctum controversiae Adversarium inter & me in hoc situm est, quod ego, ipso oppositum sustinente, sentiam ad quemlibet salutarem actum in hoc statu naturæ lapsæ requiri gratiam per se efficacem: adeoque iam non dari merè sufficientem. Sufficientem intelligo sensu Molinistico, id est, præter quam ex parte Dei nulla alia gratia requiratur, ut homo de facto convertatur pięque operetur. Hanc sententiam à me in compendio, id est, compilatione Thesum domesticarum traditam, Adversarius anno 1681. 30. Junii in Thesibus suis satis inverecundè traduxit, & me diu altum silentie traducere perrexit in Thesibus suis posterioribus,

donec tandem coactus sum in defensionem istius sententia componere tres Theses de Prædestinatione & Gratiā Christi, in quārum primā ostendi hanc sententiam non solum tradi ab hodiernā Facultate Theologica Lovaniensi, sed etiā fuisse traditam ab eorum Majoribus anno 86. superioris seculi, inquit & ab aliis Lovaniensib⁹ qui hos præcesserunt. In secundā ostendi hanc esse ipsissimam S. Augustini sententiam quam contra Divinæ gratiæ inimicos constantissimè defendit. In tertia quæ agit de sententiis Semipelagianorum rursus ostendi hanc esse S. Augustini sententiam, quandoquidem S. Doctor Massilienses ad initium fidei aquæ ad perseverantiam admittentes gratiam possibilatis, id est, adjutorium naturæ innocentis in utroque puncto æqualiter reprehenderit; quia in neutro requirebant gratiam per se efficacem, quam ad reliqua necessaria esse fatebantur. Propter antē memoratam Lovaniensem & S. Augustini sententiam, quam etiam professus sum esse meam, Adversarius non veretur mihi quatuor modis aquæ sophisticis ac invalidis imputare quod renovem quinque Præpositiones ab Innocentio X. & Alexandro VII. proscriptas. Primus modus in eo consistit, quod ipse, ut putat, quinque illas propositiones inferat ex dicta nostrā, Lovaniensem & Augustini sententia. Nunquid pari jure Philosopho cuiquam docenti quod continuum componatur ex punctis, imputare poterit eum asserere quod canis venaticus non curvat velocius quam limax? Nunquid etiam pari jure Theologis omnibus qui tradunt prædeterminationem physicam ad materiale peccati imputare poterit quod affirment blasphemum illud, Deus est author peccati? Estne aliquis Adversariorum qui contra se pateretur istud imputandi genus? Hoc tamen impetrere non cessant Theologos Lovanienses, maximè apud vulgus. Secundus imputandi modus, reducitur ad hunc Syllogismum vitiosum in quo medium non distribuitur: *sensus autem quis* (nam quod omnis, nimis manifestè falsum est) *Lutheri aut Calvinī de libertate vel gratiā est condemnatus*: *aut qui sensus dicta nostra sententia est sensus Lutheri aut Calvinī de libertate vel gratiā, ergo sensus dicta nostra sententia est condemnatus*. Nunquid per similes Syllogismos licebit contrā quemvis concludere quidquid lubet? Tertius imputandi modus reducitur ad hanc argumentandi formam à genere non distributo ad certam speciem: *Sensus* (aliquis rursus) *Lutheri vel Calvinī de gratia vel libertate est condemnatus*; ergo hic ejus sensus correspondens doctrina gratiæ per se efficacis est condemnatus. Quod queso absurdum prædicatum cum in modum non poterit tribui cuivis subjecto assumendo antecedens in quo eidem subjecto tribuatur genus aliquod absurdum istius prædicati non distributum? Quartus imputandi modus ad hoc genus argumenti reducitur: Non probas quod te discernas à sensu damnato prima propositionis, item secunda &c. ergo illum tenes; onus scilicet quod incumbit accusatori ut probet suam accusationem (quia eam probaru impossibilem videbat) rejicit in accusatum. Et quamvis hi imputandi modi, sint præcipua argumenta quæ hactenus Adversarius produxit;

nihil,

nihilominus audet se jactare non secūs ac si argumenta sua essent insolubilia. Colliger hinc lector an justa sit ejus querela, quā toties in ultima sua Thesi conqueritur quod hiis illisvē ejus argumentis, etiam infirmioribus quam sunt nunc allegata, non responderim. Possem ego, si ulterius contendere luberet, fortè centum instantias, plerasque permagni, multas etiam præcipui momenti, utpote de ipso puncto contentionis, assignare in quibus Adversarius non respondit. An potuerit, Thesum nostrarum lectori dijudicandum relinquo. Interea nihil aliud agit quam resumere argumenta antē soluta, & præcipue antē dictos impurandi modos. Per similes procul-dubio à Molinæ Discipulis etiam ipse Augustinus accusatur; quod conqueruntur Majores nostri his verbis: *De Lutberanismo ac Calvinismo suspectus redditur, tanquam imperitus, stupidus ac cœcus habetur, ut non modo gratia ipsius, de qua disserebat, vim naturamque nescierit; sed nec arbitrii humani libertatem, ne minus quidem, dogmate suo evertere se senserit.* Discipuli Molinæ Magistrum suum superant, dum Augustinum ignorantia & heresios arguant, ubi Molina Augustinum & ceteros Patres tarditatis solum incusat. Neque verò dubito, inquit, quin ab Augustino & ceteris Patribus unanimi consensu comprobata fuisset hec nostra de predestinatione sententia, ratioque conciliandi libertatem cum divina gratia, præscientia & predestinatione, si eis fuisset proposita. Hæc illi contra Augustinum Doctorem maximum, in illa ipsâ materia in quā Ecclesia præcipuum illi tribuit autoritatem. En quo Molinæ Discipuli abducantur per modos imputandi quos jam recensuitus, aut illis affines. Per tales quoque Facultas Theologica Lovaniensis, Canonici Præmonstratenses, PP. Dominicani, Augustiniani, Carmelitæ Discalceati, Capucini cum Præbyteris Congregat. Oratorii in libero idiomate Hispanico edito damnata doctrinæ apud Regem Catholicum rei aguntur. Ut verbo dicam, ita accusantur omnes qui in hoc statu naturæ lapsæ sic requirunt gratiam per se efficacem, ut negent merè sufficientem sensu Molinistico. Multi dicent h̄c ab Adversariis nostris tot Ordines accusari imprudenter, Augustinum ab illis tractari impiè: sed nobis, quod Augustinum attinet, prorsus consequenter fuisse locutos dubitare non licet: quandoquidem in Thesi nostra de sententia Augustini demonstravimus esse ipsissimum August. sententiam, quam hodie tantoperè veluti suæ oppositam culpant in Lovaniensibus. Quod Patres Dominicanos, ceterosque Thomistas attinet, non minus consequenter Molinæ Discipulos fuisse locutos manifestum est: siquidem Thomistæ de necessitate & efficacia gratiae pro hoc statu tradunt quidqñid Lovanienses. Hoc Adversarii nostri, quantumvis tergiversentur, negare non possunt, adeoque evidenter confessaneum est h̄c in parte non minus culpabiles esse Thomistas quam Lovanienses, id est, si Lovanienses censeantur propter doctrinam suam de necessitate & efficacia gratiae pro hoc statu tenere quinque Propositiones damnatas, aut earum sensum, idem censendum erit de Thomistis. Nunc verò licet utraq̄ Adversariorum consequentiā contra Augustinum scilicet & Thomistas stabilita sic argumentari ab opposito consequentis ad oppositum antecedentis: ex Romanorum Pontificum, etiam Innocentii X. & Alexandri VII. ac totius Ecclesiæ testimonio certissimum est non esse condemnatam doctrinam Augustini de necessitate & efficacia gratiae pro hoc statu, ergo etiam constat non esse condemnatam Lovaniensium: Liceat nobis pariter ratiocinari argumuntum desu mendo à Thomistis: certum est quod doctrina Thomistarum de necessitate & efficacia gratiae pro hoc statu ab Innocentio X. & Alexandro VII. condemnata non sit, ergo rursum constat non esse condemnatam Lovaniensium. *Quod Thomista, inquit Adversarius, in statu innocentie agnoscant gratiam physicæ prædeterminantem, ostendit quodcum iis non sentias.* Quis h̄c non stupeat quod Adversarius idcirco nos præ Thomistis in doctrina de nece ssitate & efficacia gratiae existimet magis esse culpabiles, quia quod nos docemus requiri

- pro

pro hoc statu , Thomistæ insuper requirunt pro statu naturæ integræ ? Argumentum ita que ejus reducitur ad hanc formam : Lovanienses requirunt gratiam per se efficacem pro hoc statu , & ideo tenent quinque Propositiones damnatas ; Thomistæ requirunt gratiam per se efficacem non solum pro hoc statu , sed insuper pro statu innocentia , ergo Thomistæ non tenent quinque Propositiones damnatas . Egregium enim verò , ut vult , rursus argumentandi genüs ! cui adjungimus , omnia illius argumenta vel nihil , vel hoc probare quod tamquam articulus fidei stabilita sit doctrina , quæ in hoc statu admittit gratiam merè sufficientem sensu Molinistico supra exposito : quod cum manifestè falsum sit , necessum est , ut antecedens ex quo istud consequens infert sit falsum , vel ut consequentia sit vitiosa . Nam in Logica notissimum est quod non possit nisi ex antecedente falso , vel non nisi per consequiam vitiosam , inferri consequens falsum ; quale hoc esse vel ex ipso Molina colligitur , qui loco ante relato fatetur suam illam doctrinam nec Augustino , nec cæteris Patribus fuisse notam . En rei totius substantiam omissis incidentibus & parergis . Prudens & æquus Lector hinc judicet de justitia causæ , quam ex parte mea , cum ex adversa nihil novi allegatum iri videam , ex nunc abrumpo & finio .

Unum tamen inquiero : cur Adversarius qui in adhortatione quā ultimas suas Theses concludit , tantā , ut vult , charitate , me monet ut resipiscam , non exhibuerit istam charitatem in moderanda stili sui acerbitate , quā me non secūs ac si apertus hereticus essem , arguere præsumit . Non veritatis , sed falsitatis ista subsidia sunt . Mirum equidem quod istam charitatib[us] parenesis materiam ( nam forma meo judicio opportunior foret ad hominem jamjam patibulo suspendendum ) etiam non impendat Canonis Præmonstratensibus , PP. Dominicanis , & cæteris ejusdem criminis reis . Nunquid & ad Augustinum foret extendenda si viyeret ?

### F I N I S.

